

ゐゑゑゑ Hōe-tiúⁿ ê Oē ゐゑゑゑ

Lip-úi Sóan-kí È Ì-gī

Sóan-kí koh lâi lah! Ták-pái nā tú-tiōh sóan-kí, ték-piát sī lip-úi sóan-kí, lán chiū khai-sí sì-kè cháu-chông, thè hāu-sóan-jîn giú-phiò kap bō-khóan. Hi-bāng lán chi-chhî ê lâng tòng-sóan, thang hō TGB ūn-tōng ū koh-khah chē, koh-khah tōa ê chi-chhî kap éng-hióng. M-kú, lék-sú kā lán kóng, Tâi-ôan ê lip-úi koan-sim ê tāi-chì sī lī-ek, bák-chêng ka-kī ê lī-ek nā-tiāⁿ! Lán teh iàu-ì ê gí-bûn ūn-tōng in bô sím-mih chhù-bī! Tī chit-ê khám-châm lán koh-lâi beh án-chóaⁿ leh?

Góa jīn-ûi lán ài iōng ē-bīn 6 hāng tiâu-kiāⁿ lâi kiám-giām Tâi-ôan ê chèng-tī jīn-büt: Tâi-ôan i-sek, kòe-khì ê kòng-hiàn, choan-giáp lêng-lék, hêng-chèng lêng-lék, jīn-phín, kap bûn-hòa i-sek. Chit lâi-bīn, siōng iàu-kín..ê sī bûn-hòa i-sek, ték-piát sī kap gí-giân ū koan-hē..ê. Chit-ê phiau-chún ték-piát sek-iōng tī lip-úi hāu-sóan jīn!

Lán lóng chai, koh lâi lán ê chiàn-tiûⁿ tī Lip-hoat-īⁿ. Lip-hoat-īⁿ lâi-té lán ê lâng nā chhiau-kòe chit-pòaⁿ, beh chhòng-siáⁿ lóng bô bûn-tê. M-kú nā-sī kòe-pòaⁿ ê lip-úi tùi gí-bûn bô liáu-kái, bô chi-chhî, án-ne ū sím-mih lō-iōng?